

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Munir. A. Azim (atba)

14 Août 2020
23 Dhul-Hijjah 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Duhs (Invocations) (Pt. 6)

Alhamdulillah Summa Alhamdulillah, c'est purement par la grâce d'Allah ki mo pé continuer mo Khutba azordi lors *duhs* même.

Si nous guette dans Bukhari, Kitab'ul Manaqib, fine mentionne ene *duah* pou Hazrat Jabir Bin Abdullah (ra). Introduction là li comme sa; rapporteur là dire ki Hazrat Jabir (ra) fine dire ki : *Mo papa Abdullah fine mort dans ene l'état kot li ti endetter...* et sa li bien important ki kan ene dimoune endetté mort, premier zaffaire c'est ki so bane zenfants bizin paye so bane dettes.

Hazrat Jabir (ra) dire ki : Mo ti bien tracasser, parski ti ena seulement quelques dattes kot moi, et sa pas ti pou suffit pou paye tous so dettes. Alors mo fine alle kot Hazrat Muhammad (saws) et mo dire li : « *Sa quelques dattes ki mo ena là pas pou suffit pou paye dettes de mo papa, et mo pou continuer paye sa dette là pou encore beaucoup l'années...* et li fine dire le Saint Prophète (saws) : « *Vine avec moi, pou ki bane dimounes avec ki li fine prend dettes là pas maltraite moi.* »

Parski so bane créanciers ti bane musulmans même, li fine penser ki kan zot pou trouve Hazrat Muhammad (saws) zot pas pou maltraite li. Hazrat Muhammad (saws) fine dire li pou alle ramasse tous bane dattes là et mette zot en tas. Hazrat Muhammad (saws) fine faire le tour de sa bane dattes là, en faisant *duahs*. Ensuite li fine assizer et fine dire bane créanciers là pou pardonne Hazrat Jabir bin Abdullah (ra).

Jabir (ra) dire: Mo fine paye tous bane créanciers là en forme de dattes jusqu'à ki tous dettes de mo papa ti fini payer complètement. Et autant dattes ki Hazrat Muhammad (saws) ti donner comme paiement, autant même fine rester grâce à sa *duah* ki Hazrat Muhammad (saws) fine faire.

Coumsa ena encore bane miracles *duahs* ki Hazrat Muhammad (saws) fine faire. Ena bane ki extra important pou nous [bane ki croire sincèrement dans Allah et So Rassool (saws)]. Mo mentionne aussi quelques *duahs* ki extra important pou nous et ki Nabi Kareem (saws) ti pé faire. Rapporté dans Abu Dawud, Ahmad et Tirmidhi ki le Saint Prophète (saws) ti pé lire pou sauver contre le feu (l'enfer):

« Allahumma Ajirni Minan-naari. » [*Ô Allah! Préserve-moi (sauve-moi) contre du feu (l'enfer)*].

Dans Tirmidhi mentionne ene *duah* très important kot Hazrat Muhammad (saws) ti pé lire:

« Yaa Mouqallibal Qouloubi thabit qalbi 'ala Dinika » [*Ô Celui Qui bouleverse bane les cœurs (Allah), tini mo lé cœur ferme lors To Deen*].

Ene l'autre *duah* ki Hazrat Muhammad (saws) fine recommande pou lire beaucoup et spécialement dans le mois de Ramadan, kot faire beaucoup de *duahs* et pou cherche sa la nuit de Laila-tul-Qadr là. Sa *duah* là li comme suite:

« Allahoumma innaka afouwwoun touhibboul afwa fa' afou anni » [*Ô Allah! To pardonné, To content pardonné, alors pardonne-moi*]. (Tirmidhi, Ibn Majah).

Dans bane Hadiths fine mentionne le *Zikrullah* ki Hazrat Muhammad (saws) ti pé faire ; Couma nous dire ki so la langue ti reste tremper dans *Zikrullah*; li ti pé lire

beaucoup : « **Laa Ilaaha Illallaahou** » [*Péna aucaine les autres bondié excepter Allah*]. (Tirmidhi, An-Nasaï et Ibn Majah).

Ena bane les autres *duahs* aussi couma :

« **Laa Ilaaha Illallaahou wahdahou laa sharikalahou, lahoul moulkou wa lahoul hamdou wa houwa ala koulli shayin Qadir.** » [*Péna l'autre bondié excepter Allah ; Li unique, Li péna aucaine associer. À Li appartenir la Royauté et la louange et Li ena pouvoir lors tous kitchoses*]. (Bukhari, Muslim, Tirmidhi, et An-Nasaï).

« **Soubhanallahi Wabihamdihi, Soubhanal-laahil Azim** » [*Gloire et louange pou Allah, Gloire à Allah Tout Puissant*]. (Bukhari, Muslim, Tirmidhi, An-Nasaï et Ibn Majah).

« **Soubhanallah, Walhamdoulillah, Wa laa Ilaaha Illallah wa Allahou Akbar** » [*Gloire à Allah, louange à Allah, péna l'autre bondié excepté Allah. Et Allah Li Grand*]. (Muslim et Ahmad).

« **Laa hawla wala qouwwata illa billah** » [*Péna aucaine force ni puissance excepter par Allah*]. (Al-Hakim).

Tribu de Daws, à laquelle Hazrat Abu Huraira (ra) ti appartenir ti bane opposants farouches de l'islam, et jusqu'à bien tard zot pas ti accepter l'islam. Dans Sahih Bukhari, Hazrat Abu Huraira (ra) rapporté ki Tufail Bin Amal et so bane compagnons fine vine kot Hazrat Muhammad (saws) et fine dire li ki tribu de Daws pas fine accepter l'islam. Et zot pé désobéir. Donne zot *bad-duah* pou zot désobéissance... et si ti faire *bad-duah* pou zot désobéissance et si ti faire *bad-duah* là pou zot , zot ti pou détruire. Mais Hazrat Muhammad (saws) fine faire sa *duah* là : « **Allahoumma Ahde Dausan wa Aati bi-Him.** » [*Ô Allah guide tribu de Daws et faire zot vini*]. Dans bane les autres versions, fine mentionner : *Ô Allah guide tribu de Daws et faire zot vine vers moi en tant ki musulmans*.

Fine mentionne bane *bad-duahs* de Hazrat Muhammad (saws) ki li fine faire dans extrême limite de difficultés. Mais dans extrême limite aussi li ti pé toujours faire sa *duah* là : « **Allahoumma Ahde Qawmi fa 'inna houn la ya'la-moune** » [*Ô Allah guide mo peuple, parski zot pas conner*].

Quand ou lire sa bane *duahs* ki Nabi Kareem (saws) fine faire là, ou émerveiller et lé cœur trouve so tranquillité et larmes couler dans liziés. Ena tellement de *duahs* ki li fine faire et fine rapporté dans bane Hadiths ; par sa ou capave comprend so la vie net ti dans *duahs*. Tous membres de so lé corps ti attacher avec *Namaz/ Salat, Zikrullah, Duahs*. Écoute sa bane *duahs* là et lire sa bane *duahs* là ou aussi tous les jours. Sa ki appelle faveur Allah !

« Allahoumma inni aoudhou bika minal kasali wal harami walgharmi wa min fitnatil qabri wa'adhaabin naari, wa min charri fitnatil ghinaa wa aoudhou bika min fitnatil masiihi-d-Dajjal. » [*Ô Allah! Mo cherche protection avec Toi contre la paresse, la décrépitude, l'excès de dettes, le trouble de la tombe, châtiment de la tombe, le trouble de l'enfer, châtiment de l'enfer, bane mauvais tentations de la richesse, bane mauvais tentations de la pauvreté et mo cherche protection avec Toi contre Messie Ad-Dajjal*]. (Bukhari, Muslim, Tirmidhi, An-Nasaï et Ibn Majah).

« Allahoumma-ghsil anni khatayaaya bil mai wa-th-thalji wal-baradi, wa naqqi qalbi minal khataaya kama younaqqaa-th-thawboul abyadou mina-d-danasi wa ba'id bayni wa bayna khataayaaya kamaa ba'adta baynal-machriqi wal maghribi. » [*Ô Allah! Lave mo bane fautes avec de l'eau, avec la neige et avec la grêle, nettoye mo le cœur de so bane péchés couma To enlève bane tâches dépi vêtement blanc et mette distance entre moi et mo bane fautes pareille couma To fine mette distance entre l'est et l'ouest*]. (Bukhari, Muslim, Tirmidhi, An-Nasaï et Ibn Majah).

« Allahoumma tahhirni bi-tht-thalji wal ma'il baaridi. » [*Ô Allah! Purifier-moi avec la neige et de l'eau fraîche*]. (Ahmad).

« Allahoumma Tahhir qalbi minal khaataayaa kamaa tahharta th-thawbal abyada mina-addanas wa ba'id bayni wa bayna zounou bi kamaa baa'adta baynal machriqi wal maghribi. » [*Ô Allah! Purifier mo lé cœur de bane fautes pareil couma To enlève bane tâches salissantes dépi vêtement blanc et mette distance entre moi et mo bane péchés, pareil couma To fine distance l'est et l'ouest*]. (Ahmad)

« Allahoumma inni aouzoubika min qalbin laa yakhcha'ou wa nafsina laa tachbaou wa douaain laa yousma'ou wa ilmin laa yan fa'oun. » [*Ô Allah! Mo cherche protection avec Toi contre ene le cœur ki pas humilier, ene l'âme*

insatiable (ki jamais li pou assé) et ene invocation ki pas exaucée (accepté) et ene connaissance ki pas utile.] (Ahmad)

Donc pou mo terminer, mo cite avec zot céki Allah (swt) fine dire dans Quran Shariff; Allah dire dans Quran: « **Mazine Moi et Mo pou mazine zot et remercier Moi et pas vine ingrat envers Moi.** » (Al-Baqara 2 : 153)

Selon ene Hadith rapporté par Imam Ahmad, Ibn Majah et Al-Hakim d'après Hazrat Abu Huraira (ra), Hazrat Muhammad (saws) fine dire: « *Allah Le Très Haut fine dire: 'Mo avec Mo serviteur tant ki li mentionne Moi et ki so la lèvres mentionne Mo nom.'* »

Donc, mo faire *duah* ki sakaine parmi nous réalise bane bienfaits ki ena kan faire *duah*. Tourne vers Allah (swt) avec sincérité et dévotion et aussi réfléchi lors céki Allah (swt) fine dire sa verset Quran là et aussi céki So bien-aimé prophète (saws) fine dire et faire dans sa bane Hadiths là. *Insha-Allah*. Et mo faire *duah* ki Allah (swt) donne moi sa *Tawfiq* là pou continuer prochain Khutba lors *duah* même, *Insha-Allah. Ameen Summa Ameen.*